



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



**«ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ
ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՄՈՒԼՏԻ ՎԵԼՆԵՍ ԿԵՆՏՐՈՆ»
ՄԱՐԶԱՌՈՂՋԱՐԱՐԱԿԱՆ ՀԱՄԱԼԻՐԻ ՄԻՋԵՎ**

Սույն համագործակցության հուշագիրը (այսուհետ՝ Հուշագիր) կնքվում է «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Ինստիտուտ) և «Մուլտի Վելնես Կենտրոն» մարզաառողջարարական համալիրի (այսուհետ՝ Համալիր) միջև:

Հաշվի առնելով, որ Կողմերն ընդունում են փոխադարձ համագործակցությունը և փորձի փոխանակումը.

Նկատի ունենալով, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ.

Կարևորելով ուսանողների և ապագա մարզիչ-մանկավարժների պրակտիկ ոլորտում կարողությունների զարգացումը.

Ընդունելով Ինստիտուտի և Համալիրի պատրաստակամությունը ուսանողների պրակտիկաների, վերապատրաստման դասընթացների և համատեղ միջոցառումների կազմակերպման համատեքստում.

Հիմք ընդունելով սույն Հուշագիրը և փոխադարձ պայմանավորվածությունները.

Կողմերը համաձայնեցին հետևյալի շուրջ՝

1. ՀԱՄԱԳՈՐԾԱԿՑՈՒԹՅԱՆ ՆՊԱՏԱԿԸ

1.1 Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ

2.1 Ինստիտուտը պատրաստակամ է սպորտի ոլորտում պրակտիկ թեմաներ առաջարկել ուսանողներին՝ Ինստիտուտի մասնագիտական ամբիոններում և/կամ Համալիրում հետազոտություններ իրականացնելու, իսկ Համալիրը իր պատրաստակամություն է հայտնում գործուն և առարկայական աջակցություն ցուցաբերել այդ հետազոտություններն իրականացնողներին.

2.2 Սույն Հուշագրով Ինստիտուտը և Համալիրը համագործակցում են նաև

2.2.1 Համաժողովների, սեմինարների, խորհրդակցությունների, վերապատրաստման դասընթացների կազմակերպման միջոցով,

- 2.2.2 Ինստիտուտի և Համալիրի գործունեության ոլորտներին առնչվող համապատասխան նյութերի հրատարակման գործում,
- 2.2.3 Սույն Հուշագրի գործողության շրջանակներում Ինստիտուտի և Համալիրի գործառույթների կատարման համար, ըստ աշխատանքային անհրաժեշտության, մարզաբազաների, տարածքների, գույքի օգտագործման, ինչպես նաև Ինստիտուտի շրջանավարտներին տվյալ ոլորտում Համալիրում աշխատանքի անցնելուն աջակցման հարցերի շուրջ,
- 2.2.4 Իրականացնում են փոխայցելություններ ուսանողական պրակտիկանների ընթացքում,
- 2.2.5 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու միջոցով,
- 2.2.6 Ինստիտուտի ուսանողների մասնագիտացմանն առնչվող գիտագործնական և մասնագիտական կատարելագործման, ինչպես նաև գիտելիքների և հմտությունների ներդրման ուղղություններով:

3. ՀԱՄԱԳՈՐԾԱԿՑՈՒԹՅԱՆ ՍԿԶՐՈՒՆՔՆԵՐԸ

3.1 Ինստիտուտը և Համալիրը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

4. ԵԶՐԱՓՈՒԿ ԴՐՈՒԹՆԵՐ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն Հուշագիրը կնքվել է Երևան քաղաքում, 2022 թվականի մարտի 25-ին:
- 4.6 Սույն Հուշագիրը ուժի մեջ է մտնում ստորագրման պահից և գործում անժամկետ:

5. ԿՈՂՄԵՐԻ ՎԱԿԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Ինստիտուտ

«Հայաստանի ֆիզիկական կուլտուրայի և սպորտի պետական ինստիտուտ»
հիմնադրամ

ք. Երևան, Ալեք Մանուկյան 11
Ռեկտոր՝ Դավիթ Խիթարյան

Համալիր

«Մուլտի Վելնես կենտրոն»
մարզաառողջարարական համալիրի

Ք.Երևան Ալեք Մանուկյան 11
Տնօրեն՝ Իշխան Սեդրակյան

